

佛說熾盛光大威德消 災吉祥陀羅尼經

唐特進試鴻臚卿三藏沙門大廣智不空奉 詔譯



南無本師釋迦牟尼佛

說 明

本繁體校正版《佛說熾盛光大威德消災吉祥陀羅尼經》電子書，根據《乾隆大藏經》宋元入藏諸大小乘經，第 1005 部，唐特進試鴻臚卿三藏沙門大廣智不空奉 詔譯《佛說熾盛光大威德消災吉祥陀羅尼經》原藏影印本校正，句讀僅供參考。

本電子書是免費結緣品，特此說明。

仁慧草堂

二〇一八年九月

佛說熾盛光大威德消災吉祥 陀羅尼經序

越溪沙門性澄述

夫能仁之爲教也，所契者道，所體者神。統法界而有爲，窮三世而不息，無乎不在。故天爲覆，地爲載，日月星辰爲照臨，羣生品物爲吉凶消長，感而遂通。故凶可以避，吉可以趨，天地、日月、星辰、萬物各可以使其至於當者，皆斯經之宗用也。其消禳災難，導致禎祥，方軌壇儀，要制期限，粲然靡所不載，足以上福邦家，下祐民庶，即近而達遠，即事而顯真。誠博要之道歟！爰自不空傳譯，歷代寶之，依法誦持，衆機蒙益。可無訓釋以裨流通？維昔雲間鑑師，雖嘗疏解，繁略未馴，輒不自揆，採摭山家諸祖格言，刪補治定，庶或少補于將來。時至治二年，龍集壬戌，奉詔赴都，乘驛淮河，中秋日敘。

●起誦儀

香讚

(一編)

爐香乍爇. 法界蒙薰. 諸佛海會悉遙聞. 隨處結
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

南無本師釋迦牟尼佛 (合掌三稱)

開經偈

(一編)

無上甚深微妙法 百千萬劫難遭遇
我今見聞得受持 願解如來真實義

佛說熾盛光大威德消災吉祥 陀羅尼經

唐特進試鴻臚卿三藏沙門大廣智不空奉 詔譯

爾時，釋迦牟尼佛在淨居天宮，告諸宿曜、遊空天衆、九執大天及二十八宿、十二宮神、一切聖衆：

「我今說過去娑羅王如來所說熾盛光大威德陀羅尼除災難法。若有國王及諸大臣所居之處及諸國界，或被五星陵逼，羅睺、彗孛妖星照臨所屬本命宮宿及諸星位；或臨帝座，於國於家及分野處陵逼之時，或退或進，作諸障難者；但於清淨處，置立道場，念此陀羅尼一百八遍，或一千遍，若一日、二日、三日，乃至七日，依法修飾壇場，至心受持讀誦，一切災難，皆悉消滅，不能爲害。若太白、火星入於南斗，於國於家及分野處作諸障難者，於一忿怒像前，畫彼設都嚕形，厲聲念此陀羅尼加持，其災即除，移於不順王命，悖逆人身上受者。

「即說陀羅尼曰：

曩謨三滿路_一沒馱喃_{上聲}阿鉢囉_{二合}底_{丁逸切}賀哆舍_四

娑^{上聲}娜^{上聲}喃^{上聲}怛^六姪^六他^六唵^{引七}佉^八佉^八佉^八呬^{上聲}呬^九吽^{短呼十}
入^{二合}囉^十入^{二合}囉^十鉢^{二合}囉^十入^{二合}囉^十囉^{二合}鉢^{二合}囉^十入^{二合}囉^十囉^{二合}底^十
瑟^{二合}姪^{十五}底^{二合}瑟^{二合}姪^{十六}瑟^{二合}致^{二合}哩^{十七}瑟^{二合}致^{二合}哩^{十八}薩^{二合}普^{二合}吒^十薩^十
普^{二合}吒^十扇^{二合}底^{二合}迦^{二十}室^{二合}哩^{二合}曳^{二十}娑^{二合}囉^{二合}賀^{二十}

「此陀羅尼一切如來同共宣說，若有苾芻、苾芻尼、族姓男、族姓女，受持讀誦此陀羅尼者，能成就八萬種吉祥事，能除滅八萬種不吉祥事。若有國王、大臣及諸眷屬、一切庶民，或被五星、羅睺、計都、彗孛妖恠惡星陵逼帝座，於國於家及分野處所屬宮宿，災難競起；或鎮星陵逼，或進或退，及宿世冤家欲相謀害，諸惡橫事，口舌厭禱呪詛以爲災難者，令諸衆生，依法受持，一切災難，悉皆消滅，不能爲害，變災爲福，皆得吉祥。我今說此陀羅尼，不可思議，功德無比，祕密受持，勿妄宣傳。」

爾時，如來告諸四衆：「若有國界不安，災難並起，請清淨衆如法建立道場，安置佛像，結界護持，香華燈燭，隨分供養，令諸有情，獲福無量，其災即除。」

爾時，如來說是陀羅尼經已。時，曼殊室利菩薩摩訶薩及諸聲聞四衆，遊空大天及諸星辰一切聖衆，咸依佛勅，頂禮奉持，各還本宮。及天

龍八部、一切大衆，聞佛所說，皆大歡喜，信受奉行。

佛說熾盛光大威德消災吉祥陀羅尼經

● 結誦儀

補闕真言

(三編)

南無喝囉怛那. 哆囉夜耶. 佉囉佉囉. 俱住俱住.
摩囉摩囉. 虎囉. 吽. 賀賀. 蘇怛那. 吽. 潑抹拏. 娑
婆訶.

消災吉祥神呪

(三編)

曩謨三滿路^一沒馱喃^{上聲二}阿鉢囉^{二合}底^{丁逸切三}賀哆舍^四
娑^{上聲}娜喃^{上聲五}怛姪他^六唵^{引七}佉佉^八佉呬^{上聲九}佉呬^九吽吽^{短呼十}
入嚩^{二合}囉^十入嚩^{二合}囉^十鉢囉^{二合}入嚩^{二合}囉^十鉢囉^{二合}入嚩^{二合}囉^十底^四
瑟姹^{二合十五}底瑟姹^{二合十六}瑟致^{二合}哩^{十七}瑟致^{二合}哩^{十八}薩普^{二合}吒^{十九}薩
普^{二合}吒^{二十}扇底迦^{二十}室哩^{二合}曳^{二十}娑嚩^{二合}賀^{二十}

南無佛 南無法 南無僧 (合掌三稱)

南無一切如來、應、正等覺 (合掌三稱)

南無本師釋迦牟尼佛 (合掌三稱)

迴向偈

(一編)

誦經功德殊勝行 無邊勝福皆迴向
普願沉溺諸有情 速往無量光佛刹
十方三世一切佛 一切菩薩摩訶薩
摩訶般若波羅蜜

迴向偈

(一編)

願以此功德 莊嚴佛淨土
上報四重恩 下濟三途苦
若有見聞者 悉發菩提心
盡此一報身 同生極樂國

三皈依

(一編)

自皈依佛，當願眾生，體解大道，發無上心；
自皈依法，當願眾生，深入經藏，智慧如海；自
皈依僧，當願眾生，統理大眾，一切無礙。和南
聖眾。

南无护法韦驮尊天菩萨



此咒置經書中可滅誤跨之罪